



Il deputà Maurus Tomaschett cun l'ustiera Annalisa Giger.

FOTOS G. N. STGIER



L'ustiera Sandra Brunner-Decurtins cun il deputà Theo Joos.



La deputada Silvia Casutt-Derungs lascha gustar las bunas tratgas.



Da Müstari a Cuira: ils ustiers Pierre-René ed Anita Grond.



Stada a l'inscunter è er l'ustiera Gabriella Binkert, qua cun la deputada Brigitta Hitz.



Han beneventà il president da cussegl grond Martin Aebli (dretg). Il dus ustiers (da san.) Bruno Raselli e Primo Semadeni.

«Hajas chapientscha per noss giavischs»

Gastro Grischun ed il cussegl grond

DA GION NUTEGN STGIER/ANR

■ **In inscunter tranter parlamentararis ed ustiers e quai amez la debatta dal preventiv, ier da mezdì a Cuira. L'occurrenta ha Gastro Grischun cunzunt introduci avant trais onns per vegnir pli datiers a la politica.** La Gastro Grischun è ina da las grondas associaziuns professiunalas da noss chantun ed ella ha bunamain 1000 commembers. Fundada è quella organisaziun vegnida avant 103 onns e quai sco Uniun dals ustiers grischuns. Quel mument che la federaziun naziunala dals ustiers ha midà ses num tar la Gastro Suisse, ha er l'uniun grischuna fatg quai e midà il num tar Gastro Grischun. L'uniun tetgala svizra ha schizunt 20 000 commembers e dapi il 1891 exista ella cun la sedia principala a Turitg.

Ina pitga impurtanta dal turissem Sepp Franz Caluori, il president da Gastro Grischun e deputà da Cuira el ha beneventà collegas e collegs dal cussegl grond en la «Alphütte», ina chamona piazzada dasper il bajetg dal cussegl grond, nua che durant il mais da december vegn fatg mintga saira festa. Caluori è cunzunt sa mussà cuntent che la regenza era cun excepziun da cusseglier guvernativ Mario Cavigelli preschenta in corpore. Il president dals ustiers grischuns ha lura er fatg attent a l'impurtanza da la gastronomia per il turissem. La gastronomia saja ina ferma pitga dal turissem e cunzunt er da l'economia, cun occupar



Ha procurà per risadas durant l'occurrenta: Il cabarettist Flurin Caviezel.

cunzunt da stagiuns plissas milli persunas, ha ditg Caluori.

«**Grazia fitg per vossa fidaivladad**» L'invitaziun a l'inscunter cun ils ustiers da tut las regiuns dal Grischun saja er ina gronda stima envers la politica, ha menziunà Sepp Franz Caluori. El ha er engrazià als deputads e deputadas per lur fidaivladad d'esser giasts a Cuira, dentant er d'esser hosps da mintga singul ustier en las valladas grischunas. L'inscunter da cuminanza tranter ustiers e parlamentararis saja bain er in bun barat d'ideas e cun in magiel vin en ina atmosfera amiaivla sa laschia quai er far pli bain, ha menziunà

nà Franz Sepp Caluori. Cun sentir direct dals ustiers lur giavischs a la politica, saja eventualmain er pussaivel da reducir singulas ordinaziuns e guardar per megllas cundiziuns generalas, ha punctuà Caluori.

Tgìrar ils buns contacts

In auter aspect da l'inscunter è er la tgìra dals contacts cun deputadas e deputads ed er da meglliar quels. La finamira da Gastro Grischun è da promover anc pli fitg quels contacts, quai ch'è oz er per ils gastronoms da gronda valur dad avair ina rait da contacts pli vasta sin champ chantunal. Gastro Grischun è er ferm dependent da la politica e per quel scopo è l'inscunter cun deputadas e deputads da gronda impurtanza. Franz Sepp Caluori hal lura er ditg als preschents: «Hajas chapientscha per noss giavischs». Concret ha el en spezial managià sia dumonda che vegn avant il cussegl grond en la sessiun da favrer e nua ch'il parlament vegn a discurrer d'eventualmain introduir in curs da radund set dis per ustiers che vulan da nov manar igl manaschi. Per manar in'ustria dovra mintgin cunachientschas minimalas da la lescha da victualias e da l'igièna, accentuescha il president chantunal dals ustiers. Caluori spera che er la regenza vesa quai uschia, er sch'ella saja da preschent betg usche inchantada da sia dumonda e pretensium. El saja dentant da buna speranza d'avair sustegn dal parlament en quella chaussa, ha ditg il president da Gastro Grischun.



Gastronomia e politica unida, (da san.) Ruedi Duschletta, la deputada Leta Steck-Rauch ed Andreas Mutschler.